


Was braucht ma auf an Bauerndorf?



1. Wäs braucht ma auf an Bau-ern-dorf, wäs braucht ma auf an Dorf? Wäs
braucht ma auf an Bau-ern-dorf, wäs braucht ma auf an Dorf? An
Pfär-ra, der schö singt, a Glo-ckn, de schö klingt, an
Meß-ner, der guat lau-tn känn, an Schul-moa-sta, an gschei-tn Männ. Des
braucht ma auf an Bau-ern-dorf, des braucht ma auf an Dorf.

2. Was braucht ma auf an Bauerndorf, was braucht ma auf an Dorf?
An Schneider, der nix nimmt, an Boten, der bald kimmt.
an Bauern, der sei Weib net schlägt, a Weib, des übern Mann net klagt.
Des braucht ma auf an Bauerndorf, des braucht ma auf an Dorf.
3. Was braucht ma auf an Bauerndorf, was braucht ma auf an Dorf?
An Bäcker der oft bacht und d'Semmel net z'klan macht,
an Brauer, der schö fleißi rührt und schaut, dass s'Bier net wassri wird.
Des braucht ma auf an Bauerndorf, des braucht ma auf an Dorf.
4. Was braucht ma auf an Bauerndorf, was braucht ma auf an Dorf?
An Wirt, der net z'viel sauft an Buam, der net z'viel rauft,
an Knecht, der net aufs Gassl geht, a Dirn, de net zan Fensta steht.
Des braucht ma auf an Bauerndorf, des braucht ma auf an Dorf.
5. Was braucht ma auf an Bauerndorf, was braucht ma auf an Dorf?
An Metzger, der net hinkt, an Schuaster, der net stinkt.
an Weber, ner net kratzi is, an Bauern, der koa Lümmel is.
Des braucht ma auf an Bauerndorf, des braucht ma auf an Dorf.
6. Was braucht ma auf an Bauerndorf, was braucht ma auf an Dorf?
Gnua Stroh und Stra und Heu, ned zweni Küah und Säu,
an Span, der allweil hell aufbrinnt, ums Haus um lauter giate Gründ.
Des braucht ma auf an Bauerndorf, des braucht ma auf an Dorf.
7. Was braucht ma auf an Bauerndorf, was braucht ma auf an Dorf?
An Kübel voller Schmalz, für Vieh und Leut brav Salz,
viel Hänf, dass ma a Leinwand kriagn, a Bettstatt und a klane Wiagn.
Des braucht ma auf an Bauerndorf, des braucht ma auf an Dorf.